

p. 201 line 2【能救一切諸世間，生老病死眾苦惱】淨空和尚：一切諸世間就是九法界。九法界用什麼方式能救呢？就是一句佛號普度一切眾生了，這個法門奇特不可思議，實實在在難信！《妙法蓮華經》卷7〈25觀世音菩薩普門品〉：「眾生被困厄，無量苦逼身，觀音妙智力，能救世間苦。」(T09, p. 58, a12-14)《法華經授手》卷10：「良以眾生為貪嗔等十結使。於三界中。妄作妄受。六凡為麤惑所纏。四聖由細惑所蔽。惑之麤細不同。而輕重眾苦。逼迫則一也。故曰無量苦逼身。凡此眾機。菩薩以妙智神通之力。於三世間中。無不能救也。則此中眾生與世間。皆具十法界義。」(X32, p. 814, a9-14)若觀音菩薩能救，阿彌陀佛如何不能？然《普門品》云：眾生「聞是觀世音菩薩，一心稱名，觀世音菩薩即時觀其音聲，皆得解脫」；故「一心稱名」為能感應關鍵。因「一心」故，能轉變業力；「一心」故，能與佛慈悲願力、智慧神力相應，故云一句佛號普度一切眾生、救世間眾苦。

p. 204 line 1【速生我剎受安樂】《維摩詰所說經》卷1〈1佛國品〉：「菩薩取於淨國，皆為饒益諸眾生故。譬如有人，欲於空地，造立宮室，隨意無礙；若於虛空，終不能成！菩薩如是，為成就眾生故，願取佛國，願取佛國者，非於空也。」(T14, p. 538, a25-29)

p. 206 line 3【願心不退】精進二種違緣：一雖見能修善法而不行。二念我何能修彼之怯弱。初中復二。一念後有暇而作推緩；二為庸常事等所映蔽。第二怯弱復有三：一佛之功德無邊故。二須捨手足等無量難行故。三須於生死受無邊生故，而念於爾時被生死苦所損惱而怯弱。初之對治者，念昔諸佛亦非最初即得甚高之道，亦唯如我於道漸次上進而成佛。第二對治，為除重苦，應忍小苦；有難行想時，可不即施；若至捨時，如與果菜等極易捨時，方可捨也。第三對治，菩薩斷罪因故，則苦果不生；以身心增廣安樂，雖住世間，無所厭患；若通達生死無有自性、如幻故，則於心無苦。如是思已，而斷怯弱也。精進四種順緣：一、發勝解力：思惟修習善惡業果道理，思惟諸菩薩行所有勝利；既然誓除一切過失、修諸功德，不見我有淨除過失、引發功德之一分精進，我實徒耗有暇之身，故應精勤引發功德、斷諸過失。二、發堅固力：於何事發起精進，即於彼事究竟不退。此初不應率爾而行，當善

觀察見其能辦，次乃進趣，若不能者則莫趣入，與其既行中間廢捨，莫若最初不趣為勝。若成串習，由此等流則餘生中亦棄所受學處等故。正修之時令心堅固，唯應向外摧伏煩惱，不令煩惱向內摧伏，更思中途棄捨誓願所有過失，善思擇已，隨所作事一切誓願悉願究竟，乃至未護堅穩以來淨修其心。

三、發歡喜力：猛利欲樂勝解之力，最初入時，歡喜而入，已趣入時，於其事業不欲斷絕。無飽意樂者即歡喜力，如同小兒遊戲之業，無飽足心。又如樂果無所飽滿，其因之業亦應無飽。**四、暫止息力**：發勤精進，身心疲勞，須暫止息；若不爾者，則極厭離，能障後時發精進故。休息無間，仍發精進，前事究竟，不應以此便為喜足，應於上勝更發精進。～《菩提道次第廣論》

◎至心精進第五

1.本品說明法藏菩薩發願請法，如來示意，一切不離自心；並為宣說諸佛剎土嚴淨之相；法藏一心思惟，選擇結願，精勤修習，攝受成就莊嚴佛土清淨之行。

2.科判：

- | | |
|-----------------------|----------------------|
| 一、法藏宏願請法，勝諸佛國，願能滿否？ | 「法藏比丘」…
「寧可得否」。 |
| 二、佛答必得。一切不離自心故，須自知自攝。 | 「世間自在王佛」…
「汝應自攝」。 |
| 三、再度啟請，如來為說，求法得法。 | 「法藏白言」…
「經千億歲」。 |
| 四、依法修持，思惟修習五劫，成就大願。 | 「爾時法藏」…
「超過於彼」。 |
| 五、如來深喜，教令宣揚。 | 「既攝受已」…
「無量大願」。 |

3.法藏願云：十方眾生來生我國，「悉作菩薩」；願已佛國，都勝無數諸佛國。——顯示菩薩廣大願心。

4.「汝自思惟」、「汝自當知」、「汝應自攝」，三個「自」字，應深著眼。皆直指當人自性，開顯妙心；一切法不離自心故，一切因果不離自心，無有一法居於心外。


5.「非我境界」者，有三意：(1)欲攝最勝淨土，超過諸佛國土。(2)欲令五乘行人同入報佛之土，迥異常情。(3)法身、常寂光土，報佛、實報莊嚴土，境界高妙。故曰非我境界，即是拋卻己分；請佛明示，即是專求佛力也。

6. 「二百一十億諸佛剎土，功德嚴淨、廣大圓滿之相」，暗合《華嚴》，含攝十方無量之國土；以二百一十億剎，表十方佛剎。「天人善惡，國土麤妙」，表有淨有穢，有報有化。

p. 216 line 6【二十重華藏莊嚴世界海】《華嚴經》卷八〈華藏世界品〉載，華藏莊嚴世界海乃毘盧遮那如來往昔於世界海微塵數劫修菩薩行時，親近微塵數佛，於一一佛所，淨修世界海微塵數大願之所嚴淨。此世界海有須彌山微塵數風輪所持，其最上之風輪能持香水海，此香水海有大蓮華，稱為『種種光明蕊香幢』，『華藏莊嚴世界海』即住此大蓮華中，有金剛輪山周匝圍繞。金剛輪山內所有大地皆以金剛所成。此大地中復有不可說佛剎微塵數香水海，一一香水海周圍有四天下微塵數香水河。一一香水海中亦有不可說佛剎微塵數之「世界種」，一一世界種復有不可說佛剎微塵數世界。其最中央之香水海，稱為『無邊妙華光』，出大蓮華，其上有世界種，稱為『普照十方熾然寶光明』，二十重莊嚴世界皆由此出，重疊布列，各有佛剎微塵數世界周匝圍繞，各有佛出現，教化眾生。二十重世界又稱二十重佛剎，自下而上即：(1)最勝光遍照華藏世界，佛號離垢燈……(13)娑婆華藏世界，佛號毘盧遮那如來世尊。……(20)妙寶燄華藏世界，佛號福德相光明。~《佛光大辭典》

圖(1)普照十方熾然寶光明世界種

圖(2)華藏莊嚴世界海



p. 220 line 2【**真修緣修**】不假作意，與理體相應任運而修，稱『真修』；依真如理而起有心有作之修，稱『緣修』。緣修可視為真修之方便。此語原為地論師所用。天台大師智顛以隔真妄、破九界、顯佛界為緣修；而以融真妄、絕破顯之意為真修。又空假二智為緣修，中道之觀智為真修。就天台宗所判之化法四教而言，智顛又以通別二教為緣修，圓教為真修。意即別教初地之前，圓教初住之前為緣修；別教之初地，圓教之初住以上為真修。又依圓教假立真緣二修，後世配以「六即」，初住以前「相似即」為屬緣修，初住以上「分證即」為真修。如《觀無量壽佛經疏妙宗鈔》卷二：「分證即，即心觀佛，託境顯性，雖得相似，尚屬緣修；今則親證，屬於真修。」～《佛光大辭典》

p. 223 line 2【**據魏譯**】《佛說無量壽經》卷 1：「時彼比丘聞佛所說嚴淨國土，皆悉覩見。超發無上殊勝之願，其心寂靜，志無所著，一切世間無能及者。具足五劫，思惟攝取莊嚴佛國清淨之行。」阿難白佛：「彼佛國土壽量幾何？」佛言：「其佛壽命四十二劫。」(T12, p. 267, c5-10)唐譯《大寶積經》卷 17：「法處比丘於彼二十一億諸佛土中。所有嚴淨之事悉皆攝受。既攝受已。滿足五劫思惟修習。阿難白佛言。世尊。彼世間自在王如來壽量幾何？世尊告曰。彼佛壽量滿四十劫。阿難。彼二十一俱胝佛刹。法處比丘所攝佛國超過於彼。」(T11, p. 93, b3-8)

p. 223 line -3【**明了通達，如一佛刹**】參考本書 p.52～53。即是華嚴十玄門之『同時具足相應門』：「法藏比丘攝無量佛土為一極樂淨土，是即華嚴中一切諸法同時同處，為一大緣起而存在，具足相應之義。是為十玄之總門，實亦本經之總相，本經實亦同此一大緣起而出現也。」